

營山縣志卷之二十八

藝文志

經天緯地謂之文攄藻摛華亦爲文故博古通經所以載道名篇鉅製卽以立言昌黎所謂紀泰山之封鏤白玉之牒鋪張對天之閔休揚厲無前之偉烈者誠煌煌乎盛事也營邑山峯環秀水派曲流地靈所鍾人材稱最况我

朝雅化作人二百餘年凡谷棲巖處之士一吟一咏靡不郁郁彬彬矧夫名賢奇士之傑出者哉爰廣爲搜採依類聯編有善必收無長不錄庶披覽金玉者益奮然而興起也志藝文

營山縣志

卷之二十八

藝文 序

一

周易經解序

四川羅興
學政

易之爲書廣大悉備自漢以後言易者數十百家
惟宋儒獨得其宗伏讀 御纂周易折中一以朱
子本義爲主程傳附之兼綜條貫所謂集經學之
大成昭然揭日月以行矣凡經生家莫不悉心體
究得所指歸余膺 簡命視學西川刻有凝園周
易管見十卷出與多士相質證學博于君作周以
名孝廉司鐸綦水於明倫堂西偏建尊經閣并講
室三間爲諸生肄習地遂於理學所著有周易經
解二卷囑予點定鈎元提要闡發無遺而其中剖
析疑義卓然成一家言是足以羽翼經傳而飲予
所未逮者也亟趨授梓以惠後學爰爲之序以行
之

營山縣志

卷之二十八

藝文

二

補緝學宮碑記

邑令張玉璘

余不佞承乏朗水於壬午春抵治日擊頽垣廢堞烟火寥寥心甚憫之及履署之次日謁先師於縣治之北前後流覽賢關聖域歷經前令建造大備規模但爲時旣久上之瓦滲椽霖下之土淤草芄且短垣崩頽馬牛失禁余心不安諸紳士之心亦不安先聖先賢得無有怨恫與咨嗟者久之遂與紳士約或以時艱請緩余思諸務廢弛自當漸次釐舉但學宮以妥先聖先賢之靈何可少

營山縣志

卷之二十八

藝文

三

緩乃曰君子祖議而貽眾以議非法也忌動者好逸惜費者鮮濟當此民力維艱之際尙忍問諸民乎遂勉力自任捐俸輸貲諸紳士鼓舞興作添柱易椽陶瓦伐竹培高覆汗丹麓黝堊自啟聖祠至明倫堂大成殿一座左右兩廡以及戟門櫺星左右鄉賢名宦並道德兩坊週圍墻垣莫不備極修緝宏厰壯麗煥然改觀是役也物材採之山林現給工價無官役病民之苦人夫則僱覓閒曠無沿鄉催索之擾匠作則日給廩餼無公役空勞之悲

監督則簡任貞良無偷安侵挪之弊以是成功速而民不擾凡一閱月而告成余心安焉紳士之心亦安焉 先聖先賢或亦少怨恫與每朔望講課之餘進諸生而訓之曰士風之壞也以羣而習劣者妒賢賢者獨善以却妒失者仇獲獲者匿怨以疾仇君子恥之故敢本刊華厚其德也去佻崇正篤其行也觀善則摩聞惡則改重自修也諸生唯唯感澡德以謝昔文翁治蜀校開講選所部雋茂子弟修詩書禮樂之教維時蜀士有張寬何武司

營山縣志

卷之二十八

藝文

四

馬相如揚雄王褒之流皆沐其澤以節義文章顯名天下記殿石室之盛播采風華垂千百世不衰余固遠遜前賢而景仰前徽中心是熾况營邑山川繡錯人文蔚起

國朝科第蟬聯不歇幸從此而入廟思敬敢本刊華去佻崇正摩善屏惡安見張何司馬諸君子文章事業不于爾多士後先彪炳哉余惓惓此意不敢以文翁自待不容不以張何司馬諸君子望多士也諸生勉乎哉余是縷述原委勒諸貞珉在事

官生例用並錄以垂永久

營山縣志

卷之二十八

藝文

五

重建學宮碑記

邑令毛鳴岐

考學宮在縣西太白山麓廼舊址也明南向者三
東向者三更易迄無定所南向者主正位定分尊
爵崇秩之義東向者主山川環拱人文蔚起之義
其實當以南向爲正道我

國朝定鼎兵燹疊羅城垣廬舍盡成邱墟獨存

文廟半椽尊亦灰燼康熙四年乙巳奉有復城上檄前
令胡公印瑞始自靈鷲砦挈殘黎數十家入城環
草萊而居重創縣署建明倫堂戟門仍東向越明

營山縣志

卷之二十八

藝文

六

年戊申余蒞茲土甫下車覩鳩形鵠面之子遺與
狐棲兔處之窟穴目擊心傷思所以勞來而安集
之日不暇給矣自是朔望詣學宮與諸生趨蹌於
破瓦敗礫之中心惻者久之歲庚戌殘民樂業時
和年豐因念我

國家嘉意右文薪樵造士作人雅化遠軼前朝營當
梁益之墟上應參井秀鍾宕渠人文甲三巴而

先師榱桷徒委諸草萊亦司土者之責也爰捐俸爲
倡閭邑紳士各好義有輸鳩工度材不數月告成

址仍舊而翬葦弘厥視昔過之時當落成余進諸
生而告之曰爾多士亦知建學明倫之意乎古先
王國有學黨有庠間有塾掌之成均皮弁祭菜以
勵其業操縵博依以導其志準之智仁聖義以盡
其才所以備公卿大夫百執事之選也學宮爲今
之儲才之地有志於此望宮牆而勵然以思曰果
能無忝所生乎否則相與非之笑之又憬然以悟
曰果能友于式好乎否則相與遠之愧之旣又瞿
然以念曰果能行修名立服法服言法言毋卽匪

營山縣志

卷之二十八

藝文

碑記

七

爨乎否則相與詆之絕之一士焉能顧名思義如
是推之千百士焉罔不顧名思義如是修之一室
爲經明行修之儒獻之

當二卽道全德備之士異日大而正色立朝奠宗社於
磐石小而股肱庶績沛霖雨於蒼生氣節文章經
術政事胥於是乎準已語云有基勿壞又曰圓者
中規方者中矩植木之性砥礪廉隅是其基也涵
泳良能是其性也諸士從此不自暇逸日礪月錯
洗晚近之習追隆古之風以漸底於醇庶於先王

建學明倫之義思過半耳是余所期望多士之意也始于庚戌秋九月越明年辛亥二月落成

營山縣志

卷之二十八

藝文

碑記

八

重修營山縣碑記

廣安王 昂
進士

營山縣隸蓬州屬順慶府東北天文井鬼分野又曰在參井之間古禹貢梁州域歷代以來廢置不一後周太和間始置營山縣隸蓬州後又遞改至宋復爲營山縣南渡後余玠城此以禦蜀寇自元及明因之編里爲四廣二百餘里延袤一百三十里許東通夔府西接保甯南連廣安北距巴達前擁翠屏後據雲鳳芙蓉拱其左太白攝其右又有雙蓬九曲之奇石牛龍馬之秀風俗醇樸人物殷

營山縣志

卷之二十八

藝文

九

阜亦往古之名區方今之望邑也洪武初知縣于紹創建未備天順初蕪湖黃讓以御史謫典史復加修葺繼後作令者惟守成而已迄今百五十餘年正德庚午冬鄆藍作亂荼毒生靈川北迤西一帶州縣俱遭焚劫而營山爲甚公署市廛廟壇學社等處悉爲灰燼惟時督軍都憲林公檄發帑銀若干復修縣治知縣陳公猷因賊未平難於成功且以更調去任甲戌冬十有二月公承上命來宰茲邑下車攝篆憫此殘毀遂毅然以修復爲任精

選義民中賢能者董其役卽首捐俸資爲倡邑之
者民多助工力先是縣治東有寺名延壽者僧違
法事覺巡按馬公檄下毀之眾皆狃於佛報尙莫
敢動公立遣壯丁刻期拆卸板木磚瓦釘鐵之屬
運充厥用乃發金買材庀工啟土先正堂次儀門
次官舍次吏居與狂獄麗譙申明旌善陰陽醫學
等項咸歸於宜又修察院分司以駐憲節修廟宇
祀壇以妥神棲修學校以育英俊修牌坊以聳觀
瞻修倉庫以儲錢穀修養濟院以恤孤老修橋梁

營山縣志

卷之二十八

藝文

十

道路以便往來至城牆之築周圍幾百幾千幾丈
高若干厚若干覆以屋以備風雨之患池濠之鑿
濶若干深若干周圍與城墻丈尺相稱各繚以石
以防衝突之虞其規模制度高偉宏敞視昔百倍
經始於是年之冬越明年七年而羣工告成爲口
幾百有奇爲糧幾百有奇銀以兩計者幾百有奇
竹以竿計者幾萬有奇木以株計者幾萬有奇甑
甕之數灰釘之用難以數計父老士民莫不歎羨
曰不圖營山縣治重修若此謂非公經營有術才

力有爲何能至此夫天下之治亂關乎氣運之盛衰而一邑係乎守令之得失得其人則廢者興墜者舉政亦由之而理在昔春秋宋陳與鄭俱罹回祿宋因以替陳因以微獨子產相鄭大施政令卒能以灾眚之餘變爲勝國今營山屢遭兵燹五年之間已鞠爲茂草蒞政者多倚僧舍得公勤撫綏大制作不數年而縣治更新豈不與子產之政異世而同符耶邑紳士咸願伐石爲記以彰盛美公姓嚴諱傑字秀夫乃湖湘之武昌人也以明經登

宏治十年鄉試在事姓名爵里例得並書

重修縣學碑記

明邑令 王廷稷

營山縣學在縣治西太白山陽蓋元時舊址云正德間毀於賊知縣嚴傑增修之有年矣至是久廢敝頽日甚弟子業其中亦玩愒不振嬉且弛隆慶戊申因廟基左畔傾圮弟子懼旦暮墜且以其地湫隘又迫隍河風氣否塞非所以啟瞻慕居藏修而待息遊也遂議改建之邑父老王宥等二十餘人又相與贊之得金三百餘兩議協胥以白於署縣事照磨胡君芹請諸當道分巡李公江署督學

營山縣志

卷之二十八

藝文

碑記

十三

朱公綱俱然其議於是筮日孔臧庀材鳩工卜地惟吉背西向東遴耆民李繼然劉天鸞等四人董其役晨夜經營且備且作既而譚君如龍張君希賢踵令茲土咸益以俸加展力焉工善吏勤結構爲堅穹而爲宮崇而爲堂宮之傍爲廡堂之側爲齋外爲門週爲牆他若庖廚廩庫之次與夫祭祀燕享之器靡不備治而於啟聖宦賢之祠則葺舊而新之壬申歲余繼令是邑睹而壯之然工猶未竣也其後二年餘復增續之作角壁以樹於門之

外作賢關聖域坊以界壁之東作文林坊於從入
之路以飾往來之觀焉己巳冬工竣乃進諸生而
告之曰興學者有司事也進學者諸生責也將爲
苦孔希顏而慨然有學古之思耶毋亦羊質而虎
皮以詐名於斯世以媒軒冕以要利祿也如其苦
孔而希顏也則入其室服其服誦其言履其行是
亦孔顏之類也卽一簞一瓢而所得固多白奮勵
也不亦善哉如羊質而虎皮詐名斯世媒軒冕要
利祿已也則僭乃宮竊乃服莊乃言飾乃行是亦
跖躄之徒也卽萬鍾五鼎所喪不少也孟子稱舜
跖之分利與善之間正爲此耳學者可不勗諸

重修聖廟碑記

邑令戴三錫

營山縣聖廟在縣治西太白山元時舊址明成化間改東向後屢改南向萬曆戊午知縣馬中豸以南向不利科目勸士修仍向東

國朝因之康熙丁未知縣胡印瑞戊申知縣毛鳴岐壬申知縣張玉璘雍正辛亥知縣李文烜乾隆壬戌知縣李瑑丁丑知縣鄔昇先後重修載在邑志嘉慶七年秋三錫署營邑篆值兵燹之後廟廡墻垣敝圯與儒學教諭傅君謹身訓導李君玉林謀

營山縣志

卷之二十八

藝文

碑記

七

葺於諸紳士咸曰俞爰傳述於邑之師生父老莫不鼓舞奮氣捐金庀材增高大成殿修兩廡神廚戟門其外鄉賢名宦孝義昭忠各祠又前櫺星門又前泮宮坊其旁附修節孝祠殿後明倫堂及立臥碑又後啟聖祠自七年十月經始九年冬月工竣傾者起頽者完隘者闢遺者舉巍然煥然不獨廟貌改觀於此見營之人士易與爲善而可以進於道也人之情莫不惜其財與其力至見義不爲爲而不克終者多矣其或出於勉強有所冀俸而

適合於義與無所冀倖而求當乎義者則人心道
心之分也營之邑人以令之一言舉數十年之缺
陋增修於財力竭做之餘豈其出於勉強有所冀
倖哉以爲義所不容諉者而已夫一人爲之數十
百人從而翼之雖有難爲之事無弗成矣今以彈
丸之地而好義者之多若此使由此而多師多士
相率於禮門義路日遷於廣大高明以倡其鄉之
後進洊至鄉曲之民亦復父誡兄勉共修其身以
進於孝弟敦龐之俗則道之明與道之行不卽在

營山縣志

卷之二十八

藝文

五

營邑之師生父老乎哉吾故於興修聖廟之成而
重有厚望焉維時董事諸生鍾書勳李鳴鳳于煥
薛英燦王家訓馬位中周懋官饒有桂周有發王
汝翼其領首舉人副貢等與眾蠲貲助費者並勒
名於左壽諸承从云

重建關聖廟碑記

毛鳴岐

歲戊申余令茲土目擊荒域荆榛匝地邑中神宮
殿宇蕩然無存日對殘黎數十家謀耕鑿課農桑
憂心如焚遑計及先時廟宇重加創造乎旣而思
學宮有建城隍有建忠孝節義之祠有關

國家大典我

朝定鼎收蜀板籍最遲倘不亟取忠孝節義者從而
列圭瓚薦馨香非所以勵風俗厚人心也越二年
庚戌召里老訪祀廟故址指學宮基南爲宣忠廟

營山縣志

卷之二十八

藝文

碑記

六

唐太師顏魯公俎豆地東側爲明僉憲王公祠云
宣忠廟存殘碑片字从剝落不可辨考縣志以公
曾出刺咸安郡人德之故祀王公諱源山右人祠
雖毀有遺碑巋然記公殉難從事始末惟關聖廟
向建於東南兩關外俱遭灰燼里老以城內無廟
爲請余聞而瞿然曰宣忠爲唐太師祿山之變舉
義旗爲二十四州倡嗣希烈作亂公守節不屈被
害迄今讀對希烈數語凜凜有生氣僉事王公值
鄢藍寇警四援聲絕公嬰守孤城率鄉勇數十突

圍出戰卒以身殉視夫關帝力扶炎漢廓清吳魏
成三分鼎足之業不以生死易念者安在不可同
日而語哉余議以宣忠廟王公祠故址合建一祠
正殿祀關帝後殿祀宣忠王公並附同王公殉難
典史鄧俊醫官馬仁義民張添壽於側俾忠義之
魂有所憑依無擇地之勞無重建之擾所云一舉
而三善備焉者非耶嗟乎是三公者一忠於漢一
忠於唐一忠於明時不同而心同事不同而耿耿
孤忠則同以之合廟而祀四時薦鬯萃乾坤之正
氣氤氳一堂在天有靈知必以余言爲有合也邑
都人士歲時瞻几筵而慨然以思睹灌獻而惕然
有感當日毛髮鬚眉不恍從羹牆中如聞愾息也
哉後世知余合祀之義有關綱常名教不淺必不
忍聽其委諸草莽也是爲記

營山縣志

卷之二十八

藝文

碑記

七

邑侯張公德政碑記

白不淄

昔召翁鄉以明經高第補穀陽長治長如子民愛之頌之立祠以祀之勒石以紀之蓋德之感人者深矣邑侯張公治營甫一載諸弊肅清百廢釐舉盜息民安農耕士讀歡然如一父之子不特袴襦興歌田疇起舞卽袞衣章甫之頌赫赫如今日事焉夫吏道至今日亦難言之矣欲期行政得失先視其人之才與廉彼廉吏世亦有之然廉者易劇而民不必附也才者易紛而民不必撫也有冰蘖

營山縣志

卷之二十八

藝文

碑記

六

心而幹之以材行之以恕則實見德而民自通其隱侯以閎闊世胄歷鏡仕矩所佩者皆經國之猷所悉者盡子民之道是以一經綰綬卽毅然有爲如出家珍不因循以失其寬不操切以尙其猛知最急者徭浮於賦先薄之以絕其侵賦苦於增甯輕之以任其咎訟獄每屈於法虛公決讞而冤抑無聞鰥寡少累於時原情定婚而怨曠自遂興學祀神多士仰文明之化修橋通市四方享樂利之休念物力之維艱而自奉極薄飭閭里之游惰而

民力普存且柔遠人戒輕生數者何一非及時之
務哉得其一亦足以鼓吹吏治侯乃兼而有之之前
所謂召翁鄉其人者庶幾後元禪映也歟侯張姓
諱玉璘字文伯號魯賓福建漳浦人山東鉅野籍
由貢監於康熙壬午春到任今甫四載云乃爲之
頌曰勞勞父母夙夜在公興利除害草薄從忠所
欲與聚所惡弗庸少長佩德遠邇歌功協心鑄石
與地天同

太蓬景福寺碑記

陳周政 邑人

嘗聞洞天福地域中分五嶽之奇化外寰中海上
壯三山之勝崑崙西望隔鷲嶺以爲遙湘浦南巡
湖龍茅而未返誰復種曇花於淨土手闢雲霄結
庵果於香城眼開日月余邑東北六十里之遙有
綏山太蓬者蜀北之名區也蜀之綏山有二而此
則居其一焉峯懸百仞猿有翼而難飛路狹千尋
鵬無風而亦歇書藏委宛臺吟天子之聲羽化空
濛橋寫仙人之扁桃非凡種能開三千年結子之

營山縣志

卷之二十八

藝文

碑記

三

花羊以木爲恍覩十二人飛身之跡誦萬了物外
之句迥別紅塵尋論德降香之碑幾同碧落掃蒼
苔而題字崖磨唐宋風流榻玉笈以更名山卽瀛
壺副本乃運當陵谷將劫墜昆灰高臺與雁塔俱
平曲岸並猴池共盡宸奎縹緲御書不復舊樓龍
窟榛蕪觸石奚尋古穴我穆宗皇帝握仁王之寶
鑑驅梵帝之金輪宏鬯宗風普臨法界爰有太虛
大師者法名方滿俗姓清河營山長樂里人也四
諦非他六塵無我九齡祝髮便窺有覺之門萬里

扶筇殆遍無生之路南浮巨浸用敷舍衛三乘西
餒函關偶類宣尼七日遂仰天發願隨禮佛盟心
謂六道輪迴尤難沈瀆欲十方熙穰盡食琅玕乃
于隆慶二年來闢茲山三徑拾靈珠於蔓草投空
谷以梵音夜聞木客之嘯歌晚見山魃之走匿振
銀繩於已絕穿玉峒以重開陶洗萬靈勅毒龍以
吐水疏通百險命猛虎以守關由是綠房丹鑠遠
入清霞旣而紺殿青蛾近瞻皎月天童潤色黃珉
碧玉之宮海聖彌淪獅子龍王之會一聲清磬人

營山縣志

卷之二十八

藝文

碑記

三

非人等各飽香厨幾棒空魚世出世法咸歸淨域
厥徒則有賢清碧潭者實沙門之領袖厥孫則有
定載千江者又法苑之護持益繼前修永貽後則
龍文百斛合爲一竈之炎蟻陣千重不碍方丈之
室下官蓋常登而覽之高則鬱峨眉之雪奇則涵
雁蕩之湫險則堪垂韓子之書幽則可轉中郎之
瑟探巘腰而酌井毛骨爲驚坐洞口以吹雲神魂
若濯攀古藤而延竝如有人行臨絕壑以悠揚欲
乘風去憶雲中之雞犬忽悟前身問世外之向平

要諸異日至於感彼僭國不無桑海之悲亦或發
我詩脾實有江山之助今值花朝之節復爲鶯樹
之遊蓋自老僧八十歲之經營加以高侶三四代
之改葺尋碧磴厯元階啟金鋪闢玉戶雕簷畫棟
虬迴紫漢之中重岫復巒鳳舉丹山之外雲霓若
動似臨王舍城中神足疑行卽坐菩提樹下熊羆
焉魂魂焉信十洲之別館而九品之上國也下官
閻浮熙輅吳楚飛鴻每多山水之緣頗負烟雲之
氣原非生客豈吝雄文奚役隄廩用期帶勵云爾

營山縣經費公局碑記

李玉臺

道光二十九年冬余之來宰斯土也興蠶桑築堰塘開區田功甫竣越歲爲制憲期宣

聖天子恩威飭令各州縣編連保甲之外以昔江北廳福司馬所籌三費議下其式於州縣仿行之並棲流所法亦附焉且語曰相時度勢毋煩擾毋顛預願輸者聽否勿強三費者何曰相驗輿馬費防吏役需索也曰獄囚招解費防隣里株連也曰捕廳緝捕費津貼捕署薪水防擅受也而蜀民向少恆

營山縣志

卷之二十八

藝文

碑記

三

產孤貧一老病輒流亡道左情慘甚且重爲里鄰累棲流所者所以憫死恤生尤惠政也余進邑之
父老而語之故僉曰善余又曰聖廟歲久傾

圯神靈或未妥歟城垣弗治保障或未固歟賓興典缺書院膏火不給山陬僻壤鄉學不設育才之道或缺畧未廣歟曷並思所以整飭之僉曰惟命余因捐廉爲之倡各保甲欣欣然輸將恐後計城鄉經收捐貲除修理聖廟城垣棲流所並公用一切餘於各鄉置買田宅並於買業內按取押

租錢文先後共買業二十二畝每歲所入租穀諸
經費咸取給焉又恐其積久漸弛於城東街置地
一區建楹十餘間設倉以存穀庫以存錢名曰經
費公局擇紳耆之殷實與書吏之醇謹者互司其
出納官以時稽察之歲終則上會計於大府俾上
下相維官民相糾永無廢弛忠僉曰謹請條詳悉
泐諸石而以記屬余余因之有感矣營邑地方百
里居民數萬戶其人非有懋遷轉移之才其地非
有山林陂澤之利衣租食稅稱小康者僅數百家

營山縣志

卷之二十八

藝文

碑記

三

耳而鑿井耕田自食其力者比比也一旦縣帖甫
下而輸將恐後至累千萬之多且不逾月而告竣
焉夫豈余之德有以致之歟抑其秉彝攸好樂善
出自性生歟抑感

國家恩澤深仁與各 憲之良法美意鼓舞軒輦於
不自知歟吁可風也雖然始事易而終事難有治
法無治人久必壞若夫補其偏而救其弊因時而
弛張之則有望於邑之士大夫與後之宰是邑者

重修營山縣城碑記

濮文昇

營山縣城重修於咸豐十年庚申至同治四年乙丑而後竣事計周圍五百八十四丈外牆除礮口高一丈七尺內牆高一丈四尺厚一丈八尺礮口八百七十洞炮臺十二尊城樓四座奎星樓一座費錢三萬九千緡有畸守土官濮文昇謹爲之記曰於戲成事之難也爲政之不可苟也民勞之莫恤也而民財之易竭也吾於斯役蓋有疚心焉

國朝嘉慶之中葉教匪勘定全蜀又安上下恬嬉相

營山縣志

卷之二十八

藝文

碑記

三五

太平間有力役率因陋就簡不足以資守禦迨咸豐以來四方始多故矣賴

先皇帝神武特詔天下修城鑿池以備不虞然殘缺者已十之七既顛沛無能爲役其倖不當賊衝者民又貧弱不堪科令以故營山三里之城高不逾丈以土代石殘缺於兵燹後者迄今又將五十餘年前知縣事劉英選慨然憂之建議重修取石於城北之天印山然距城且十五里負重致遠工資大耗因又疏泉築堰以通舟楫石運始便乃規模粗立

功力未充遂檄調去所治昇也不才適當艱鉅初
出爲吏旣與民不相習更拙於徭役不能爲先事
之防此吾所疚心於始者也庚申辛酉間黔匪亂
蜀分其死黨數萬塗毒我郊野憑陵我郭郭新築
城基僅十之二三女牆又猝不及備賴

國家之靈及士民忠義之所激守四十餘日而竟不
爲賊有當是時掘地道者十餘穴列壘者數百計
迫而攻者日且三四至然而營山三里之城高不
逾丈以土代石殘缺於兵燹後者與五十年來形

營山縣志

卷之二十八

藝文

碑記

三六

勢無以異也賊稍退倉卒備匠石巖均輸謂經營
之成可歌不日乃暑雨秋霖屢築屢圯功不逮半
事乃加倍敬事之謂何又重以困吾民此吾所疚
心於繼者也今幸完固矣然曠日持久幾乎不得
畢其役今

天子方憂勤兵食歲費至千百萬何敢以彈丸小邑上
支

國帑而吾民加征賦勸樂輸歲且數然矣一寸之木
石萬聲之邪許不啻脂膏而涕淚之此吾所疚心

於終者也夫人情易與觀成而難於慮始其倡之於先使有基可乘者前令劉君之功也委曲勸諭使吾民勤而不怨者諸父老之力也吾方以勞民傷財至再至三引爲己責故特列吾所以疚於心者敬告來哲俾因時制宜有所取鑒不至重吾過焉足矣而又敢自以爲功我其謂民何民又其謂我何哉是役也前任陝西洵陽縣知縣于鈞候選通判李玉棻候選教諭李春蕓候選教諭陳全模從九王文輝鍾文毓羅從純皆謹慎能任大役而於大興尤有足多者焉例得備書

營山縣志

卷之二十八

藝文

碑記

二十七

重修駱市橋碑記

濮文昇

橋建於宋熙甯四年在縣治東偏之駱市場蓋通一方往來而已非有洪流巨浸惡溪毒潭之艱且險也又非四達九達爲東西南北大都會也行而習焉民忘其利一旦橋廢則行旅相望農不便耕而商不便市雖別有四達九達可以東西南北之者而此一方之往來隔躡阻險且與洪流巨浸惡溪毒潭等故橋不可以不修而適圯於咸豐辛酉間是時蜀亂且三紀矣滇賊李永和分其死黨掠

營山縣志

卷之二十八

藝文

碑記

三六

我郊鄙陵我城邑縣城已惡又圯於淫雨百攻百備木石幾盡而何有於斯橋且市當賊營衝又用武地也賊負數萬眾飲馬而戰投鞭而渡一橋之有無旣不足界之今幸敗去則築垣浚濠大工斯急民有復故土者亦將堅砦堡勤綯茅區區市橋又誰晤計興廢哉夫以民所不急之務而得各以餘力治之且若無事焉庶幾大且遠者之經營畧備而吾邑亦當復見太平矣於戲一橋之興廢一邑之治亂所見端也宇內坦蕩二百餘年遵道遵

路舟車相忘斯橋卽謂當修責之一鄉善士足矣
勒石紀功殊爲多事然而夷險殊轍陵谷易位俯
仰興廢感慨因之不有文章後將失實於戲一橋
之建替又一時之盛衰所見端也勞民傷財歲且
數舉誠不欲重疲羣力而秋水時至民乃病涉非
長官之責歟在夏令曰九月除道十月成梁今固
其時也至於富者忘吝貧者忘勞則此邦之後彥
有足多者焉夫成敗者事相循也橋再廢不知何
年再修不知何人本政通而民和雖築百雉之城
鑿十丈之池人且不以爲怨而成之易幾與修一
橋無以異苟其不然卽一鄉邑間徒杠之設亦力
有不給而事有未遑而其他之頽而不振者又何
可勝道爲民父母將何如故書之以告來者

明中憲大夫用吾侯公墓誌銘

吳羽英

兵給江津人

羽英丁卯附侯仲子修譜事因是悉公但未得展床下之拜及偕上公車過順德諸父老聞余爲蜀人也競問曰知營山侯大夫乎聞仲子爲侯嗣也踴躍相賀問公安否遮留數日不能去余竊感嘆居官者去後見思有如此哉宜仲子之韶發也邇奉使旋里仲子以公墓石徵銘大書以旌循吏史氏事也按狀公諱文才其先寶三公楚孝感人也元末宦於蜀遂家營焉數傳至源公父也同兩弟

營山縣志

卷之二十八

藝文

墓誌

三

爨不析居好仗義樂施誕公岐嶷曰是必大吾宗命出就外傳歸必覆之公益刻勵藜光達曙博極羣書尤篤嗜孝經性理在泮闔戶攻苦足不入公門縣令王公重之月助穀三石及食廩廩入悉聽父施與不一問萬厯辛卯舉於鄉部試第一選湖廣之茶陵嘉意作人分俸資寒士膏炬月數課郢削丹鉛多所成就性愷悌布政優優強禦者必置三尺不使爲民害丁未旱霖雪不應公曰罪在我而殃及百姓乎徒步泣禱遂連雨里巷謠曰太爺

兩行淚三日雨滂沱鄰皆不雨逾年躬踏漂沒寬
征徭時額派祿米積至四萬檄頻催公惻然曰吾
豈忍以民命質官乎奏災傷狀力請豁除又請蠲
額派南京兌漕運腳價銀貳千三百八十兩預備
倉差府賦解戶各二百有奇覲旋邑有絡繹冒雨
蹇裳走百里郊迎恐後借寇君也等以最擢授直
隸順德府同知地近神京獄有寃抑輒登聞經公
讞皆心服無辭郡內大稜流移載道人相食強有
力者斬木揭竿公曰請賑聞旬餓夫斃矣遂出俸

營山縣志

卷之二十八

藝文

墓誌

三

金四百予九邑邑各做增焉全活甚衆民賴以安
神宗朝治尙啟大懲貪之詔未下也公無所畏而
不爲不潔其代守入計也已事齋額金二百供過
從公不受因贈司經顧孝廉而疾革賴是殯以首
邱萬曆三十七年春夏旱秋蝗天子發通米三十
五萬石以賑之借近屬庫銀俟漕折補庫命公往
取時南有司度道里之資斧以八百與公公辭不
獲封識貯帑爲異日佐百姓急督撫非報命期特
薦曰取漕銀而狐鼠潛跡卻羨金而羔羊勵節上

立命其奏下考功紀錄風示百官將內召適滇南
萬里播揚上需良太守爰晉公楚雄府省刑息訟
庭可張羅提舉孔溷官者稽囹圄八年妻奴狼狽
公覈其寃獲釋去俗游惰不習女紅公教之紡績
出不鳴金以審軋軋聲由是有土布而小醜寒塗
矣所轄黑鹽井南安銀礦有例報甚或科水公獨
謝之不一染指公體國勤民厯任勞瘁仲子能句
讀曰未報之君恩未盡之民隱付之此子也遂賦
歸去來父封如公官母劉宜人設贈服哭焚之不

營山縣志

卷之二十八

藝文

墓誌

三

勝風木之悲族糧二十石餘納稅遵父勉讀時命
也敬二叔父撫其子而田之平居正襟危坐如對
大賓與人謙退咸稱爲長者郭外築一書室閱披
圖史以忠義孝友訓子與孫抄本邑中事非利物
切民者不一闕說也嗟乎仕宦了家事耳孰視國
事獨賢者乃兢兢四履在几榻終身如一日哉初
娶劉贈宜人繼娶李氏子三人公生於嘉靖癸丑
卒於崇正乙亥生年八十有四以丁丑十二月立
春二十四日葬於城東觀音橋之後橋舊卑圯大

水艱涉數溺行者公存時罄貲高厚之而建大土
殿於其左銘曰山蒼蒼兮水泱泱水滌土燠發幽
香有君子兮邦之光利人濟世澤無疆孝友忠廉
爲世坊其源遠兮其流長典型攸屬羣相望巍然
俎豆在宮牆

羅母荀孺人墓誌銘

修撰蔡啟樽 新增

西蜀遭獻賊之亂典章文籍漫滅於荒烟燐火間
十不存一孝豐羅使君從煨燼之餘搜輯家乘致
使羅氏譜牒犁然炳如日星嗚呼可謂難矣一日
使君持其先妣荀氏行畧來請予銘余循覽未終
廢書而嘆曰嗟乎天之報施羅氏何其不易測哉
羅氏之少長經亂後纔十餘人或死於疾病或死
於瘡癘或死於饑饉或死於虎或死於醫其與存
者有幾而使君巋然登賢書縮符綬儒林循吏合

營山縣志

卷之二十八

藝文

墓誌

三十四

爲一傳豈不偉哉使君涕泣而言曰此皆先君先
母之遺訓也昔先君既有遂甯李學士爲之銘而
先母荀太君尙未有誌其墓者今以累公余憫其
志不能辭乃爲之序序曰太君姓荀氏鄉飲大賓
荀公之女歸羅公公南牀之孫世傳清白牛衣對
泣相敬如賓相夫子以賢稱事孀姑以孝名處諸
姑伯叔間以讓著生子二長曰鏡山次曰華山乳
哺之苦教誨之嚴雖彤管所紀曷以加焉惜也享
年不永以死然母死雖不及見家庭之復盛亦未

見闔城屠戮一家死哀之慘亦可謂焉知非福者也雖然母之德不可以備書書其相夫勤苦以見其宜家之道書其訓子嚴慈以見其燕翼之方書其事姑之孝處家之讓而有禮以見其樹萱之隆貽謀之後凡此皆宜銘也銘曰吾讀周詩士大夫公侯之妻修身飭行動止以禮輔佐其君子而王化賴以成穆穆太君錦江玉壘之秀英生也婉孌歿也和平而羅氏因之以不傾徵母之德請視斯銘

羅母覃孺人墓誌銘

蔡啟樽

余旣爲孝豐羅使君銘其前母笱太君之墓使君又抱牘而來拜泣曰賡先母旣蒙大筆惠以嘉言勒之貞珉而生我者幽宮未耀潛德靡光余之罪也公曷再爲我誌死且不朽余時有母之喪罔極之痛與使君同讀使君之行述潛然流涕嗚乎其忍不銘謹按母姓覃氏蜀名孝廉覃安之女生而端淑以女德聞於姻族及笄歸羅府君國夫爲繼室生子一人卽今孝豐令羅使君爲賡也母歸羅

時舅姑卽世未嘗盡一日之養而歲時伏臘享祀豐潔焚香上食如事生存以孝德聞於內外先是公已有三子而爲愷最幼穉母撫之若已出自鞠養食以至就塾讀書迄於遊泮樹立靡非母之恩勤公性慷慨好賓客樂施與母環珮有聲酒漿是議勞而不言其瘁儉而不怨其貧以儉爲本而周人之急則以厚以勞爲用而御下之術則以寬婦德聞於鄉黨迨生使君三歲失怙厥後獻賊入蜀屠割生民幾無遺種母以一未亡人手口拮据丸

熊晝荻備嘗辛苦以玉使君於有成而母德聞於
四方洎海宇昇平干戈底定使君論秀書升彈琴
邑宰政成報最馳封寵賁而母不及見矣傷哉母
生於萬厯己丑年六月十五日子時卒於甲申年
六月初六日巳時康熙丁未年五月二十四日改
葬於牛眠山之麓使君之行述其得子也符異人
之言其移棺也有現形之異天人相感母德彌彰
嗚乎其忍不銘銘曰淑質秀穎天所施闔儀端肅
己所持不享其福福亦隨幽宮光耀輓於斯

例贈文林郎蔡府君墓表銘

進士濮文暹

咸豐中暹北去應鄉舉途遇四川舉人蔡君名文
鈺者與語大契之遂訂交顧其驅車返甚急意
皇然若有大不安於中者怪詰之則愀然曰鈺少
孤家猶有老母也後交益深然自是馳驅燕蜀者
暹且二三返蔡君獨不出里門一步又詰之則仍
愀然曰鈺少孤家猶有老母也既乃奉母命以銘
其尊府君爲請且曰鈺不肖不能承父志顧時時
聞之老母曰汝父上事三兄下撫季弟自吾來歸

營山縣志

卷之二十八

藝文

墓表

三六

以迄於其卒未嘗見有間言於諸伯仲間也自逮
事汝大父母以迄於喪葬諸大節汝父未嘗不盡
禮而躬任其難也自族姓姻婭以迄於里黨其貧
乏者未嘗不歲貸也其有爭訟者未嘗不排難解
紛而卒一無所取也然汝父學書識字皆不師而
得之幼無所誦法而言行皆合乎古之人吾始以
爲固然也今已矣遂持鈺而泣又教之曰小子無
以孤貧爲憂也汝伯祖欲鬻產於他姓汝父意大
不忍乃竭貲奉之而勉受其業家由是中落然卒

能經營有法度稍稍積累至待而舉火者四十餘人汝賴以成立有今日也汝二伯祖痛其子瞽而愚汝父事之如所生而待其子如親弟昆小子固無以孤貧爲憂也其求所以表揚汝父者則汝父爲不死卽吾撫汝至今日亦不爲虛生鉅泣識之惟謹而三十年來求之族里中無老幼賢否所以稱述先府君者與老母言如一詞大懼久而煙沒何以事母則頓首固請暹聞而嘆曰吾交蔡君近十年始以爲君不忘老母也今乃知君更不忘死

營山縣志

卷之二十八

藝文

墓表

三十九

父也且蔡君固宜有賢父今攻之果然暹義當銘謹按府君姓蔡氏諱朝興字足齋又字言可世居蜀之營山縣東濟川橋以嘉慶五年庚申二月十日生以道光八年戊子四月十有八日卒得年二十有九例贈文林郎配謝氏例封孺人同治四年以貞節旌表子文鈺戊午科舉人候選知縣孫世昌世聰世恩府君卒之歲已於五月十日卜葬於本縣濟川橋祖塋之左至同治五年丙寅六月二日始表其阡銘曰口不言詩書而行則儒妻

善教子子善事母而何傷乎寡與孤源澄者流不
汙材樸者華乃敷此而不彰奚以勸善嗚呼

營山縣志

卷之二十八

藝文

墓表

四

蔡節母謝太孺人六十節壽序

四川李德儀
學政

戊午秋 余典試蜀中得營山蔡子文鈺文筆沉實
高華知爲績學之士撤棘後生殷然來謁余以服
習經訓敦尚品節諄諄相勗俾斯言傳諸同學之
士以爲教弟子者法生唯唯而退明年秋復謁余
於錦城使解述其母節孝事求一言之述之余固甚
樂乎其言之也 太孺人姓謝氏營山縣人年
甫及笄歸蔡君言可能得堂上歡不十年舅姑歿
蔡君亦相繼捐館舍時太孺人年二十九歲文鈺

營山縣志

卷之二十八

藝文

壽序

里

尚襁褓家故貧

太孺人內外撐持多方籌畫

始不墜其家聲迨文鈺稍長延里中名宿授讀束
修之奉皆 太孺人女紅積累而得平日教誨

其子以敦品勵行爲先文鈺之得以成立皆賢母
義方之訓有以致之今值 太孺人六十設帨

之辰蓋其苦節已三十有一年矣余向讀大雅旣
醉之詩序以爲告太平也其頌君子之景福本於
昭明高朗之德推及於錫類之孝室家之壺其卒
章曰釐爾女士從以孫子女士箋以爲女而有士

行者也蓋坤德安貞惟安貞故能善庇其後以致
景福之隆及其盛也遂以登太平之雅頌 太
孺人履變如常處困得亨孳孳爲善而不居爲善
之名文鈺每念母氏數十年心力之瘁刻苦自勵
期顯揚以慰親心他日推其所潤身者以華於
國 太孺人之賢德又不謹著於一鄉一邑間
也余故樂得而書之至尋常頌禱之詞則自有祝
嘏者在茲稱揚其節孝也不暇及焉

建脩書院碑記

夏文臻

蓋聞古之造士者必將有高明爽塏之區以爲藏
息優游之所而後可以安其身焉又必有獎勸誘
掖之意以作振興鼓舞之機而後可以勵其志焉
先王所爲設館以造士厚禮以養賢莫不崇其體
制優其餼廩然後奮發有爲之氣迺勃然而不可
抑營山舊有翠屏書院在南門外翠屏山又有近
仙書院在縣西一里許懷德溪迄今代遠年湮殘
碑斷碣滅沒於荒烟蔓草間不可復識蓋古蹟之

營山縣志

卷二十八

藝文 傳

一

銷磨久矣我朝雍正七年邑令李文烜接太白
山脉建奎樓爲朗池書院草創未備因以訓導署
居子弟而遷訓導於義學未幾亦廢嘉慶三年兵
燹後僅以察院行臺代書院屋宇湫隘膏火無多
殆亦猶告朔餼羊之意而已逮道光丙戌之春予
代庖茲邑考校歲試喜其文風士習斐然可觀爲
是蒞任之初凡公務急需整理者如設義學脩塘
堰編保甲皆奉檄而行之如葺城垣恤孤獨置棧
流皆捐廉以助之肫肫乎勉乎分之所當爲盡乎

力之所能爲常以不獲稱職爲懼至若數十年廢
墜之緒爲一邑人才生色非時和年豐同心協力
其勢必有所不能迺者天心順應雨暘以時穡事
告成豐盈有象農夫相與慶於野士人相與賀於
庭僉謂二十年來無此樂歲白願以其餘力創脩
鉅制而請予代爲申詳於大憲得允所請由是於
城外之東北隅得善境焉白雲鳳山發脈蹠躑趨
赴忽然開拓芙蓉枕其後卧龍拱其前而又有長
林曲沼映帶縈洄以之爲諸生藏脩之地既有以涵

營山縣志

卷二十八

藝文 傳

二

養其性靈勉強其學問將所謂去囂塵而臻勝境
者胥於是乎在若夫講堂學舍曲榭迴廊與夫磚
垣之數出入會計之方皆係民捐民辦旣不待官
督率亦不由吏經營及其成功然後以其餘貲添
置學田以充膏火斯舉也得天之時因地之利用
人之和故告厥成功不勞而理諸生從是奮興羽
儀王國如雲中飛鳳和聲以鳴其盛是士之幸也
亦予之厚望也夫

建修考棚碑記

夏文臻

營山在漢時爲相如郡自長卿以詞章之美受知武帝顯名西域越千百年而流風未泯故至今稱盛焉道光六年春余權篆茲土首以人才爲念詢知邑無書院兼乏考棚有志之士深以爲憾未幾值歲試期多士雲集應試者不下千五六百名察其人則醅謹而可喜考其文則清順而鮮疵加以造就誠未可限量惟是官廨不甚宏敞諸生備桌櫬而來者壅塞公門一遇霖雨苦不可狀竊歎士

營山縣志

卷二十八

藝文

碑記

三

人念切功名勞瘁固所不辭而有造士之責者平時旣無所以培植之一旦臨試又無所以安集之欲求於風簷寸晷中締構佳文戛戛乎其難焉於是與閭邑紳耆集議按糧捐貲首以書院請修於大憲得允所請而又酌議以書院捐項三分之一購隙地於廨之西偏建官廳三楹考棚十六間環以牆垣列以几席可坐二千餘人僉謂以百姓之財謀百姓之事至公也因一事之舉成兩事之美至便也聚民之所欲去民之所惡又長治久安之

策也夫榱桷杞梓生於空山非土地之得宜雨露之滋養將良材抱偃蹇之憾而其成也不速士之有美而不逢作育之盛者將母類是若夫養之有其地試之有其方而又擇選真才以備

國家棟樑之用是諸生之發爲文章者皆異日之見諸實事者也又豈獨司馬一人專美於前乎吾是以於考棚之落成也叙其創建之意以爲多士勸

改建考棚碑記

羅祥慶

國朝養士二百年聲教訖於四海天下之士競趨於學自通都大邑以至邊徼遐荒皆有校士之所而况營邑地居庸蜀之北鎮據緩山之勝其人物繁盛科名綿衍代有達材者哉則其規模局度固可觀矣邑舊有考棚在縣署西偏建自道光六年前署令文臻夏君惟北嚮一堂號舍兩楹周繚以墉前無門徑後無室廬由署側紆道以入甚淺狹湫隘雖其地勢使然蓋於體制亦有不當然者余自

營山縣志

卷之二十八 藝文 傳

五

乙巳春補官來此時課試諸生見其進退出入胥有所礙每至夏秋霖雨則廡宇穿漏牆垣頽塌心常念切紳士進見皆曰考棚爲文風攸繫不宜所向倒置當易而新之余懼勞民費財未之允也會歲比豐登家給人足獄訟不興鄉民無事紳士臚呈復請改作詢謀僉同乃從衆議於是賢者董其事富者助以資羣工畢舉易嚮而南基則辟之堂則皇之卑者增之使高粵者宣之使明石磴凝寒更之以木土墉善圮砌之以磚廣厦旁廂列於內

重門兩轅達於外則不惟應試者樂其寬廣衡文者有所休息卽學使過境亦得稅駕而安居自道光二十七年十月初吉動工逾年而工竣積木石土輒瓦若干工計用銀錢若干其典掌出納主辦工程悉紳士紀理而胥隸不與焉其公正勤勞則有如李生椿遂陶生玉成封翁方至等是也旣成乃揖諸君而前曰夫

國之所以取士士之所以進用者文也而不盡乎在文也士子讀書務於明體達用非徒以章句雕琢

營山縣志

卷之三十六

藝文 傳

六

爲工也營邑實多樸醅美茂之材使盡能砥行礪名崇尙節義居則孝友於其家廉讓於其里出則忠

君而愛民通古今之治道求經濟之實用斯可稱爲學之大成而有以上報

朝廷累世教養之厚澤請誌其言因記之

補修奎星樓

陳懷玉

城西北隅奎星樓蓋乘地脉應天星以培人文者也或曰自前縣尹張公諱王璘重修城時甫建志未詳第按城勢自雙蓬九曲逶迤至琵琶雲霧龍馬諸峯以結虬於茲此誠我邑之靈氣所畢萃也邑城舟形也作舟楫以濟巨川千鈞重任一柁爲主前明府仰觀天象卽以文星崇祀於百尺岑樓殆所謂文運自天開而人傑以地靈者意在斯乎我

營山縣志

卷二十八

藝文記

又五

朝自定鼎以來邑科甲纍纍弗歇縱未必盡闕斯樓之建有以振作之然邇時臺閣傾圮神像凋殘覺諸俊秀亦頽靡少凌雲志又豈必古今人不相及歟抑或地氣蹇滯而天與人之不甚相感通與已亥歲恭逢

萬壽覃恩遐布棘闈宏開正朱衣暗點之秋疇不思福星朗照以慶彙征之吉侯覲李時雍等慨然欲補修斯樓以奮揚士氣初請序於邑侯王公公以未悉顛末爲辭因復詢於余余時謬任邑掌院未便

固却卽以蠡見妄測前哲遺意並結後進善緣竊
考奎宿星君天之武庫與東壁聯輝爲天下圖書
秘府或以爲奎星也位居北斗之四爲文曲或又
以爲南斗第四星爲宰相其分躔於奎者有土司
空主水土之事附路以通道備不虞分躔於斗者
有天弁爲市官之長農丈人主農正官姑不具辨
總之吉曜所照凡物皆祥斯樓煥然一新神靈有
安不惟攀鱗附驥之士獲以炳蔚文明卽閭里市
廛靡不安居樂業共被休光於瞻雲就日間也又

况地脉之乘天星之應於以毓秀而鍾靈者人文
之培卽不於其身而必於子孫也哉是所望於闔
邑諸君子同舟共濟同善同樂則亦同佈金資以
共襄盛舉謹沐手以爲之引

毀佛文

王廷稷

萬曆元年歲次癸酉九月戊寅朔越二十有八日
乙己先時西林寺僧惠戒等姦犯配謫知縣王廷
稷既請廢其寺以爲書院乃於是日親率工詣寺
毀其所爲佛像者而文以告曰佛古未嘗有也作
俑於漢永平其事之有無說之是非前人闢之審
矣吾姑無庸論且卽其有者而借其說以告焉佛
有五戒淫居其首而清淨爲宗蛇鼠爲阱此經藏
之大旨也乃身住空門奸襲窟室使世有佛則惠

營山縣志

卷二十八

藝文碑記

七

戒者黑簿之所不赦而奸跡之露其丈尺之靈譴
也佛之惡且厭而不樂歆其居也非一日矣顧不
能自化去耳且其教主於捨身普度使其真身未
死猶當割截爲衆生利益門又何愛於像其神無
在而無不在十方世界皆梵刹彌爾慈雲皆旃檀
又何待於像然則其所謂佛者惟無知耳巍然者
泥梗熒然者金碧何待於告如其有知也則吾之
毀之也爲之脫塵絲超覺路開佛門佛將德我不
暇又奚容告吾之告以此文也以覺世之憤憤者

使有以知吾道之是而彼說之非也故既以讀諸
壇次並以置諸廳壁

玉映閣詩叙

白不瀟

吾師孝廉鳳翁于夫子世傳簪組學極天人稽古
頗類桓榮早膺鸚薦善病偏同沈約輒阻公車著
述可垂之千秋箕裘獨艱於半世顧几杖之如在
咸嗟伯道無兒免琴書之與人竊幸中郎有女世
妹蘭蕙爲心瓊瑤比質裝臺鏡閣夙聞刺繡之工
雪案芸牕更授牙籤之秘孰情藝圃沉酣夫諸子
百家雅志風人貫串乎四始六義抒詞錦綺何異
班香落紙雲烟無殊宋艷忽大椿之見昔惟慈母

營山縣志

卷二十八

藝文碑記

九

以相依隨伯父以之官盟大邱而締好筭及之歲
禮告于歸案舉之時人稱佳偶奉鞠脍於高堂惟
勤修脯事唱隨於邇室克叶絲桐旣而嚴親解綬
隨冢嗣以宦遊盡室登車從良人以言邁徜徉官
舍忽聞遠道烽烟瀕洞邊陲漸報上游梗塞睽隔
故鄉者六千里棲遲宛水者十餘年杜少陵同谷
之吟傷懷弟妹蘇蕙子迴文之什阻跡兵戈泊乎
楚尾吳頭片帆直上夔門巫峽百丈重牽鳥道鼉
宮閱山川之名勝猿蹄虎嘯經道路之崎嶇迨歸

故園常棲小閣怡然綦綰且適志於蒿藜隱倚蓬
茅寄曠懷於油素抽毫授簡香生翡翠之函採藻
摘華玉映珊瑚之架允矣詞成幼婦洵乎字是夫
人何圖璧月輕淹彩雲易散藁礎尙在神傷荀令
之儔瑤島來歸伴逐素娥之隊乃彌留之際早悟
空花虞殞之辰不存遺草令嗣惟一哀思歎嗚不
忍翰墨之飄零瘦骨支牀詎忍珠璣之散落覓煤
痕于藥裏獲釵脚於裝奩隻字兼金祇近體數十
首片語拱壁惟律句五七言泣請丹黃並求元晏

營山縣志

卷

二十八

藝文

傳

僕邱壑成人門墻舊誼執經函丈親見幼女之受
尙書坦腹高門側聽韋君之談官禮捧瑤編而色
喜聞錦瑟以腸迴自愧糠粃敢作玉台之序不辭
菅蒯爲揚蘭畹之才

羅時齋先生傳

明太馬世奇
史

闡中閱羅子抱靈卷擬其文心冰雪以爲有唐人
避俗自攜之况已接其人冰雪而金玉也已接其
尊人學博公知之無何又從學博公讀其曾大父
實齋先生叙實錄乃知君家世德不減漢潁川之
陳關西之楊矣先生名翔鳳字瑞德時齋其別號
元末有自楚麻城避亂入蜀者家雞山族漸大先
生兄弟四人而行居三沉深嗜讀書十五補博士
弟子七試棘院不得售然一時學者尊爲正宗所

營山縣志

卷之二十八

藝文傳

十一

成就至五十餘人性篤孝自傷孤失怙凡力可致
其母者雖甚勞窘無廢母歿獨身爲營葬百費以
之當析箸諸兄弟議定取餘而已生平寶躬如璧
然削去稜角自謂無一言之辱於人亦未嘗受人
一言之辱少喜飲酒能以德御其量鄭康成一飲
三百杯溫克之容終日不怠差於先生見之學使
者廬山胡公采學官義標先生素行以示諸生日
是真德行能於尋常日用間實心體認者七丑用
歲薦對大廷授湖廣永州府學訓已遷南江縣學

諭再遷永州府學授三任俱儒林昔人以爲崦嵫暮氣苜蓿冷曹繞指柔多潦倒金錢高者遊戲吏隱已耳先生侃侃自愛其鼎飲水奉職暇則握管論文與古人晤對所著有芝城草創古集新聲二帙讀之摘藻鸞龍不復知爲廣文官也當司授永州時直指郭公有僑胼之目檄署永明邑篆先生清操愈厲於前人借脂之潤幾欲飲灰自濯所興除人皆便之遇兩辭重輕反覆詳慎不務爲鈞石靳廷中稱平而止一時卿士大夫俱願先生旦暮

營山縣志

卷之二十八

藝文

傳

十一

卽真而坐前任南江交代不明竟中考功法論者謂師儒之局非錢穀簿書比飯且不足有何奸利需上官稽核而信信執爲辭乎然先生默不辯也解組之日邑吏民擁舟泣送有失聲者歸家卜居官懋山麓仲長樂志之論香山池上之篇摩詰輞川之圖昌黎盤谷之序先生兼有之而先生所雅慕在堯夫曾於叢林峭壁間建精舍一所終日徜徉其中爲致語曰木石深居處風塵不到天門人李壽卿者因額以空中樓閣蓋取堯夫似先生也

先生禱引堯夫語自况人無妄交物無妄受吟自
在詩飲歡喜酒又曰百年昇平未爲不偶七十康
強未爲不壽而於所謂天根月窟駕風鞭霆故謝
以爲未敢庶幾嗟乎此其爲先生哉先生孫曾林
立不下烏衣崑崙之源今方始大學博名爲縉袍
靈名心樸學博弟爲緇抱靈弟心魯皆孝廉餘爲
諸生者近十人並有名詞苑馬子曰蜀自長卿開
山才人踵出至宋漸用勲名風節著其以隱德稱
者蘇雲卿何季業輩寂寥數人耳明允跡在隱顯

營山縣志

卷二十八

藝文 傳十三

間迄端明樂城杲杲在日中矣若叔黨兄弟不幾
公慚卿卿慚長乎羅先生即起家薄宦無改隱德
咏歌擊壤託寄堯夫先生固願以少微一星自晦
乃其子孫又何飈飛景附也桃李不言下自成蹊
先生家風殆近之今吳越士大夫喜稱門閥以立
聲價似熠燿宵行未晨而熄於戲視先生潛德闇
修卒大其世者何如哉予綜論先生標舉似明允
而品更高峻坐似雲卿季業而藻不掄勲名非必
如宋景仁醕夫諸君子而風節無妨頡頏噫吾猶

於抱靈想見先生之水雪而金玉也

卷二十八

藝文

傳十四

王公殉難傳

明知嚴傑

公名源字淵之山西太原五臺人也登宏治己未進士授刑部主事員外正德庚午秋擢四川按察司僉事孟冬入蜀境賊鄢藍作亂都御史林公見素檄公於途公倉卒置家於保甯間道兼程抵通巴會叅議龔公勉仁分領土漢官軍征剿川北復見林公於軍門親受方畧翌月七日按部營山九日按蓬州十日諜報賊聲言攻營十一日公選鄉勇四百統以義民費宏道等復守營至則十二夜

營山縣志

卷之二十六

藝文

傳

十五

三鼓矣召典史鄧俊醫官馬仁及士民於庭諭以國恩當報忠義難得嗚咽泣下已而復曰我一方重臣今日爲汝生靈來分當與城存亡汝等有父母妻子乃獨棄而逃避哉亟令各易服持器械設敵柵以死守又括城中居民千餘人爲兵下令曰敢有避縮者以軍法從事衆皆並力一心十三日儀隴告急十四夜漏下四鼓賊數十騎馳至東關公督典史率銳卒乘城對敵賊前鋒不利奔告其會乃悉衆火其東門而入勢莫能支賊乃大肆十

五日公猶持短兵督戰手刃二賊已而麾下盡潰
吏負印走蓬州公獨戰於魯公祠下爲賊所執身
中一刀六鎗將絕復甦日晡民劉萬秀者亦被傷
抱痛至公所公語之曰守城義也城陷身殞吾得
死所矣向秀索水秀飲之復索紙筆題詩數首比
暮秀以氈冒公十六日賊過祠見公微動復創之
乃絕亭午生員羅紉視公惟存血污小衣語民張
善解衣衣之相率舁於學門且守護十七日州判
孟仁遣吏詳探其實歸報十九日具衣棺來以歛

營山縣志

卷二十八

藝文

傳 十六

越月冢嗣臣自保甯奔訃拊棺痛哭見者流涕次
年正月扶櫬歸葬五臺營士收得公詩者遭變故
失其全章僅存一絕與其長短吟數句一皆忠義
所發至今赫赫在人耳目與正氣歌零丁句衣帶
贊並傳賊滅事聞上憫其忠贈本司副使廕其一
子仍勅蓬州營山建祠春秋致祭吁公之死重於
泰山公之名昭於日月公復何憾哉

文學公傳

李以寫

家文學公諱沁字明著爲穎上公再從弟公性英敏淹雅經史善屬文稱高材生與穎上公同如蘭社爲文壇祭酒如齊桓晉文雄長諸夏視魯衛曹薛直泗上小諸侯耳每遇督學使者較士輒拔蚤弧先登然久困文場竟無泣血以名和氏之璞者公爲人倜儻多智略以天下爲己任常排難解紛片言立決族黨周親皆傾心信服會明末亂起公部署族中子弟申以大義教以坐作進退之法得

營山縣志

卷二十八

藝文 傳

十七

千人崇正十五年壬午春姚黃賊十三家擁衆各數萬自陝西流入太平東鄉等處自號爭天王闖世王整齊王必反王掃地王奪世王混天星邢十萬一斗粟馬朝等名目總兵甘良臣丁顯爵不能禦是歲十一月由達渠至營恣其殺掠公帥衆與同里紳士分城嚴守踰月賊走儀隴癸未二月馬朝邢十萬一斗粟自巴州至踞城東十里金鳳山蓮花寺諸處堅壁清野賊無所得散而東行七月掃地王奪世王混天星復至攻城城南居民不虞

猝至悉被荼毒九月爭天王闖世王整齊王必反
王諸賊自豐竇舖大至綿亘百餘里設雲梯鑿地
道百道攻擊勢若雷霆公從容應之衣日夜不解
會總兵趙榮貴轉戰而前深入賊壘雖幾爲所傷
而斬獲頗多又將城中義旂以爲聲援賊始奔潰
甲申春流賊李自成僭號北都遣僞帥馬科入蜀
襲獻逆道由舟口詭言張皇合城紳士奔避公獨
木難支亦率族人結砦山中獻逆僞令向用賓輩
據城橫索財賄日事敲扑人人重足而立是歲十

營山縣志

卷二十八

藝文傳

十八

一月公遣壯士乘夜殺用賓乙酉正月僞首殷士
敏僭僞將羅都司至縣安塘設營搜掠士民無一
得脫公誓衆曰狂賊肆舍如水益深如火益烈斬
賊復城此上計也四月公統兵入城縛殷士敏羅
都司以殉賊徒五百人皆殲焉乃儲糗糧設干櫓
爲死守計在苒迨丙戌七月必反王遣賊渠白代
青蠡涌圍城又遣別黨攻靈鷲砦礮聲相聞日夜
不絕閱三日月倉廩告竭公遣善戰者數百人啣枚
宵擊火其壘賊驚潰獲其糧無算邑人益恃以

無恐賊志甚攻圍益急呼聲動天公按劍巡城不
意爲飛礮所中遂卒時年四十有九合城失公如
墮長城正倉皇間而爭天王袁韜自南部來聲言
大清兵至賊圍始解是時吾蜀寇燄赤地燻天大
郡名城所在殘滅而建牙旗擁衆兵者無不望風
而靡也而營邑彈丸黑子賴公獨完功亦奇矣若
公不死得時行道誠可紓國家之急爲天子股肱
大臣奈何竟以身殉豈公以經濟全萬人之命而
不能緩須臾以待昇平之時天實爲之謂之何哉

羅懋山先生傳

公諱心醇字抱化號懋山季玉公之嫡孫可繩公之長子也公慈祥清介博極羣書於時藝中獨喜歸震川金正希兩先生稿故其文亦相類年十八應童子試見獎於學憲何公閔中補弟子員本朝初學憲張公光祖見其文大加稱許擢錄遺第一主考徐公子遜杜公子靜見其文歎曰此老宿也何得尙與諸生伍拔之第二一時人稱其能得士云公性孝太夫人陳氏訓諸子極嚴惟公終身未

受杖扑壬午科公赴秋闈太夫人見背公歸撫棺痛哭幾不欲生葬時正值饑饉公以身任事不問昆仲太翁慈祥正直惟公與之同心無纖毫抵牾及死承任喪事一如葬太夫人焉待諸弟至友諸弟中有不遜者公能忍人之所不忍常曰朝廷論理家庭言情豈可以小忿傷手足乎遇事則竭力經理無矜容亦無怨色做秀才時二弟罹罪罰當重杖公以身代責四弟早歿遺一子公教養婚配無殊已生五弟早孤公手授經書得歲薦幼妹三

人皆公擇配而嫁長妹適明經張惟周張早逝公
經紀其家子女悉公婚嫁鄉黨稱之其友愛有如
此公性廉潔見時人趨利忘義歎曰人心澆漓已
極吾不願見之矣所以聞俗事則如避寇讐至談
忠孝文章若河決東注疊疊不倦故鄉黨不敢干
以私嘗攝遵義廣文遵義故播州地鄙陋無文公
至進諸生而課之諸生亦雅重公名傾心師資二
年之間文風丕變如己酉解元程崇公所首取弟
子也至今播人稱公爲文宗云康熙庚戌授雅州

營山縣志

卷二十八

藝文 傳

二十一

學正在雅亦如遵義故事雅州文風亦賴公以興
有丈夫子四皆公親教誦讀之暇無日不以忠孝
廉潔爲訓迪長公授夏縣令公以書誡之曰得意
處最忌肆志又曰清慎勤雖居官之要然清之一
字只可律己不可律人故長公蒞任七載民歌思
者公之教也在雅二年值吳逆變即棄官歸不爲
所汚性好施濟在雅州寓佛寺有營卒被杖臥寺
門公爲調治愈去後公歸道逢逆賊幾不能保忽
前卒長跪曰小人在此公毋恐也遂獲送以免由

是觀之雖翳桑餓人不過是矣歸里後絕口不談
時事惟日與二三知己博奕取歡而已庚申冬彭
時亨反親友俱保山寨總鎮高公奉命進征人皆
驚懼公慰之曰聖朝豈戮良民哉人心始安及高
公至待公獨殊賚予有加其見重於時如此辛酉
春染恙呼親朋一永訣時長公宦晉未歸公命取
紙筆書數行皆忠孝之訓放筆端坐而逝蓋其生
平之學力有據故臨終之性體獨明古人易箒之
理豈有殊哉公生於萬曆丙辰年十月十七日卒
於康熙辛酉年二月十二日亥時壽六十有六卜
葬邑北高廟子之東云

營山縣志

卷二十八

藝文

傳

一五二

烈婦陳氏傳

國朝白不淄

余嘗讀商書而至維皇上帝降哀於下民厥有恒性則知忠孝節義性所自具亦人所共具也然每不多得之鬚眉男子而恒見之閨中少婦者此何以故蓋以男子者非溺於利欲則役於浮名故甯爲辱生而不爲烈死甯引經據古曲爲文說而必以全生間有迫於事勢怵乎清議旁皇回惑不得已而死者是皆知生之樂而不知殺身成仁之至樂也知死之哀而不知舍生取義之深可哀也邑

營山縣志

卷二十八

藝文

傳

一三三

烈婦陳氏乃湖南耒陽令陳公瑞之女潤州太守于公紀龍之媳也秉性純淑穎慧幽貞幼與胞兄孝廉黼功同讀父書嘗謂之曰妹與兄誼則同胞學則共業願兄異日無墮名義妹亦不媿淑貞斯亦足矣及笄于歸監生于之驥紀龍之次子也夫妻相敬宜室宜家利欲浮名非其所屑芸窗雪案亦以當日與兄共勵者勵其夫雖歷經兵燹險阻倍常而常變不移唱隨如故所慮者翁姑南宦烽煙隔壤每一念及未嘗不淚濕沾襟幸庚申冬王

師東伐羣氛電掃而驥父之訃音隨至氏同夫南
向再拜相對號泣幾不欲生即擬從夫奔喪而長
途新闢伏莽尙滋驥別氏往南氏泣而言曰君去
當竭力治喪善事老母二子二女妾自教之勸母
早歸無爲妾念及別訓迪子女足不履戶外暮年
而之驥之訃音又至矣氏兄知之氏母知之氏之
僕婢亦知之尙未敢令氏知也嗟乎氏兄知之氏
母知之氏之僕婢亦知之而氏有不知者乎氏知
之尙肯隱忍辱生旁皇迴惑不得已而後死者乎

營山縣志

卷二十八

藝文

傳

二十四

彼村嫗竈婢見氏哀毀踰禮設靈祭告有生則同
衾死則共靈之語知氏之必不可留矣乃以緩死
相勸不幾以蘇屬國洪忠宣勸人乎夫屬國十九
年而歸漢忠宣十八年而歸宋數年之內幸以不
死使不幸以他故死即不忍爲逆劉豫所留亦將
爲降李陵所笑以生平貞淑自許之氏而忍出此
乎故至性所激義不崇朝忽顧謂兒曰孤孀老母
兄自養之煢煢弱息兄幸撫之言畢即引頸持刀
應手而倒形神慘惻不一刻而命亡志遂皎如白

日之光凜如秋霜之列條條乎江河之浩瀚峩峩乎崑嶽之崢嶸其視蘇屬國洪忠宣隱忍十數年生還以名忠臣者又加一等矣是氏之一死也既不媿與兄相許之志又不負同夫共勵之誼一時聞見心膽皆碎千載談論齒舌俱香嗟乎氏死矣氏二子岐嶷穎慧異日高大門閭駟馬家聲久而益振必將以氏之奇貞異烈白當世而史筆之若以今日之公道邀靈旌烈氏之志諒不在此余也濫叨親誼獲附里若何不幸而見此亦何幸而見

此耶媿余疎陋鄙俚不能悉其懿行謹畧以示來茲不日採首陽之薇汲娥江之水相將於翠屏之陽其爲貞烈歟其不爲貞烈歟鬚眉男子覽斯傳而有感焉則知上帝降衷不獨厚於婦人已矣

羅母司孺人傳

于之輻

司孺人者以德先生之妻愷與悌兩君之母也以德公敦倫勤學負圭璋重望而天不假年孺人未亡時年甫二十八呼天誓殉幾絕者數以或慰之曰始老子幼而自矢激烈其若泉下何益以孺人之姑逾甲子愷君時方六齡悌君未過三齡也乃忍淚強起飲食禮葬祭外朝夕奉始育子惟謹越明年值彭寇猖狂生事落魄孺人乃丐人舁其姑攜二子避亂雞山中蓋其先世之別墅也祖孫姑

營山縣志

卷二十八

藝文 傳

三十六

婦相依爲命未幾而姑抱恙孺人著綦和餌凡百禳效之方靡不畢具雖古崔盧不過是已始病篤竟不起孺人悲慟骨立殯殮一如禮又慮亂山叢沓孤塚荒涼恐日久易於沉迷且艱拜掃也乃扶柩歸窆於其夫墓所令母子相依亦如生前之兩不相離也此非其慮之周念之深而能如是耶賊勢益熾別墅毀於兵孺人復攜二子遠避於其家方是時愷與悌亦稍稍成立矣孺人訓課維殷凡伯叔甥舅可以受業者無不親身拜托課功責程

不懈至資斧用度悉從十指出比之和熊畫荻何
多讓焉不甯惟是當家世漂搖時老姑幼子羈縶
外猶有孤姪羅恒異姓子晏奇能者熒熒相依嗷
嗷相向孺人不惟使饑寒無虞且鞠育恩勤各爲
授室以故考終時同異姓撫子皆服齊衰三年夫
出類離羣而落落不凡者天地之英也葆真著節
而俯仰絕塵者邦家之光也表微闡幽而發潛德
之光者則賢有司之事也前縣令張君玉璘雖榜
其門曰青史流芳究未能薦之於朝揚之於外又

營山縣志

卷二十八

藝文

傳

二十七

况其後焉者乎雖然孺人之芳徽其遂湮沒而不
彰已乎孺人生於順治己丑卒於康熙庚寅壽六
十有二葬於城東十里許子二長名愷貢生次名
悌貢生孫八人長都廩生次都愷出次彫貢生次
郃郊郃俱業儒悌出余與公居同里且世有姻誼
故不揣固陋畧述一二詞以俟當世之賢人君子
採擇焉

羅可繩先生傳

白不淄 邑人

邑先正可繩羅公荆楚麻城人也攷古人物誌知羅氏之流澤甚長自威含爾公德行孝友著績漢晉數傳及豫章先生以道德文章冠冕大宋迨天祥公始因元末避亂入蜀棲營邑雞山之陰履孝資忠灼然望族凡八傳至時齋公即先生大父也明經教授歷南江永州鵞湖朱陸之稱當時已藉藉人口及署永明縣篆瑰術瑋聲不貴蓬勃而治行文章爲當世最議者亦如班史所稱召翁鄉云

營山縣志

卷二十八

藝文

傳

二十八

先生父高亭公生有異質領袖鬢宮雅不好弄四方賢士多歸之舉丈夫子二先生其長也生公之夕母李氏夢紫衣人賜孝經一部及寤而生先生未踰旬而母見背遂育於乳媪家甫四歲歸繼母張氏依依膝下未嘗廢離年垂髫先生舅氏李公有議先生繼母撫先生與異弟有殊先生力爲泣辯色養怡志罄竭欵誠且友愛愈篤田荆妻被殊以割裂爲痛稍長從父讀極穎異一目十行下父高亭公手錄經學及古今興廢存亡之端與夫性

理通要之秘成帙以授先生輒曉賜間及古忠臣孝子如武侯出師李密陳情不禁踴躍悲憤蓋提抱然矣年十四補邑弟子員讀書雞山僧舍爲文不屑尺幅每試輒冠二十餽於庠竭餼以養父母未幾繼母張氏復見背先生墨面毀骨勺飲自濟無殊生母癸酉領鄉薦值獻逆犯蜀先生以父龍鍾絕進取志常云富貴功名何足論當爲眞孝廉以無忝所生父強之行忽忽不樂抵京父訃聞先生哀毀踰禮引咎吞聲實有怨捧檄而憾椎牛者歸

而寢苦枕塊泣顛驚仆幾不再生比除禫未常御酒肉弟爲綽終始友愛常謂之曰昔唐李白宴兄弟於桃李園方諸王謝而操其勝我兄弟何多讓焉田廬器具任其資取肯齷齪計盈縮耶庚辰再上公車不第就棟選以知縣用卓然有濟世之志甲申之變京城失守先生聞而痛哭北面再拜誓不仕後僞果徵辟先生慷慨激烈竟不屈時僞令向用賓貪酷縱恣士民交困先生樹義兵誅之遠近居民合掌稱慶先生姪心樸心魯丙子聯鑣魯

故樸成進士官浙江秀水令伯兒爲縉以封翁居里被賊執先生聞而赴義賊感釋之從此時事紛挐人心散亂材官披靡先生維持區畫旣得大體復規時變機宜無不稔合范希文之後一人耳無幾何邑之狂弗友者妄意作逞動戕民命先生理論而和解之全活甚衆嗟嗟今日之生齒林林非先生肉之骨而誰骨之肉哉迨國朝定鼎恩及隱逸時縣令以先生應先生婉以辭之中丞郝公高其節終不忍奪先生旣得志踵王康琚城市之

營山縣志

卷二十八

藝文

傳二十一

隱著述立說開示來茲階於廉洛翼以諸史非聖之書不讀無源之論不講獎薄敦頑直以名教是非爲已任時集邑人士暨子若孫而訓之曰讀聖賢書而心不擷其精華身不由其規度徒追時好取世資使廉恥喪而風俗圯是以經史爲盜器也必洗滌嗜慾明晰取與期不疚於衾影者爲的凡人有所僻則嚴以正之不啻其子若孫也人有過則畏而改之亦不但其子若孫也晚年棲白岩山麓戴紫霞冠披白鹿裘不復與塵事按所契慕者淵

明詞賦詩文然庭訓之嚴終始如一舉忠孝友愛之義無日不與子孫輩津津齒頰間易簣時無異平日端坐永訣而逝邑少長親疎莫不哀且慟有達百里而未通名姓者亦聞而弔之厥後先生長君心醇同弟心淡暨先生胞姪心簡冢孫在公俱後先登第或廣文郡邑或出宰花封政教所至赫赫有聲其餘諸子若孫濟濟黌宮極一時之盛猗歟休哉德行孝友文章品行家法淵源千古一轍威含兩公固不得耑美於前豫章先生又安能獨

營山縣志

卷二十八

藝文 傳

三十一

擅於後哉夫先生行誼孚於鄉邦著述留於天壤功德及於民生忠孝傳於子孫其爲徽美莫可殫述邑人士景仰儀型請光芹泮以薦馨香請余爲先生傳余也去先生未遠猶能記先生色笑約先生之行誼知先生能自爲不朽敢不爲先生傳得附先生於不朽云乃爲銘曰卓哉先生孝友狷貞內外無間邦家是程亂不終否治亦避榮無滓無涅獨清獨醒無滓伊何信道旣篤獨醒伊何視汙若酷秉義弗移守正不辱跨世陵時高風旭旭

旭高風言采其公中立不倚和而不同思不及利
論不及戎剛柔噓吸活衆其功矯矯先生栖遲林
泉合變明筭幽贊知先倜儻博物俯仰無愆貽謀
燕翼代濟璵璠鳳凰和鳴累世其騫肅肅先生民
思其軌士仰其行爰修祀事序秩藻芹萬年俎豆
明德惟馨

笑和尚畫贊

白學聯

這個和尚空空妙手飄飄然兩袖風便便然一腹
酒赤爾遊雲足張爾談天口問有我相乎曰無問
戒肉食乎曰否嘻我愛爾頂可露腰不折吐氣揚
眉一萬八千事無掣肘

酒器論

酒之濃淡不同而器之大小因之以器之大者飲
酒之濃者未有不醉者也况復無算爵乎既醉而
致恨於酒器之大器不任受怨矣

營山縣志

卷二十八

藝文論

竹筒銘

美哉茲竹青田所有繫余採之歲在癸酉惟堅多
節伊人佳耦中書安宅春秋斯壽回家瓦盆子孫
世守

叱鼠文

白藁聯

觀奕主人忘懷楸枰偶攜行李憇於市城酬應既
暇無所營營邸舍人靜院落風清深杯泛綠引壺
自斟形影相對惟兩三升筍簌斯徹日之既暮短
檠花新瑤編拂素感風雨之瀟瀟慨蕉鹿之未悟
嘲莫可解戲則無賓懷韓子送窮之篇笑柳州乞
巧之文不禁神遊羲皇以上而欲尙友夫醉鄉中
人也倦而假寐獨息獨處隱几逍遙寂無一語閃
兮倏兮西來有鼠颺颺么麼委瑣拘拳避明趨暗

營山縣志

卷二十八

藝文 文 一

佝僂項肩及階及席三五相連盜我糗糒傾我橐
囊齧我圖書毀我衣裳初猶潛伏繼且猖狂叱之
呵之不我恐惶跳跟自若其惡難當嗟爾微蟲爾
又何知爾之儔類爾雅志之螫留甘口香混麝臍
颺能禦毒颺素稱肥河則偃而蒲飲穴則鳥或同
居颺有文豹之華彪有食虎之奇筆重颺鬚裘珍
颺皮生肖則首屈一指艮象則著於繫辭或山或
水飲啄兩美於意云何云胡不喜我之餘糧不盈
一勺我之書籍貴逾金玉寶偏處此莫我肯穀毋

亦不慎所擇而徒爲是僕僕耶鼠乃拱而向人而
立交足於前儼與人揖舌吐眼張以嘯以泣若有
言曰物各有性不可相強蝟毛多刺獬惡若獷山
膏好罵非關罰賞吾之朋儕亦各有黨吾則性與
彼殊而倚人以爲養君所惜惟書而吾不知其貴
君之粟無多而吾喜分爲饗且惟知損人之爲快
而非必有利己之非非想也吾之稟受如鬼如蜮
陰柔居心盜賊是職率性而行君其無惑抑吾觀
君之襟期無喜無愠腹則空洞心則澹定豈不諒
吾性情之習慣而顧煩惱於中若茲悶悶哉主人
乃適適然驚瞿瞿然覺鼠已脫兔無能夜捉浙瀝
雨聲尙留屋角

營山縣志

卷二十八

藝文

文

二

禁止虐遇養媳示

白萼聯

天地大德好生自昔男女雖殊性命則一女子之
生弄瓦叶吉掌上明珠情同珍惜訂姻擇壻願有
室家言藉媒妁六禮孔嘉二十而嫁冰泮桃華舉
思鴻案挽快鹿車年長識開婦職修理旣愜翁姑
亦和妯娌必敬必戒無違夫子宜其家人皆大歡
喜惟茲貧民悲其生女無可奈何謂人父母名曰
養媳方離哺乳膝下生別泣涕如雨伊彼翁姑應
知愛憐饑寒飽煖都要相關責以所能未可求全

營山縣志

卷二十八

藝文

示

三

不異所生乃口能賢況其長大是我媳婦長我子
孫操我井臼似續攸關非但巾帶如有童心正當
善誘果違教言薄加責治能知改悔便快人意如
官治民刑亦難廢殘酷不仁抱愧循吏照得邑民
有養媳者刻薄頗多慈惠殊寡責備煩難色笑不
假姑惡姑惡筆難盡寫或令受寒或令受饑或針
刺手或火燙肌手指或斬腳尖或虧爪痕滿面形
似魑魍親戚鄰友或相規勸不知聽從反結仇怨
逞其荼毒威尊命戕致弱女子魂消腸斷種種情

形言之可傷婦固梟鴟夫也不良何爲忍心惻隱
全忘職室有鬼能無恐惶譬爾生女作媳於他遭
虐如此於意云何人雖各異性不差多厚道必昌
古語無訛爲此示諭城鄉各村夫妻交勉改過自
新倘有告發或被訪聞差掣到案立予重懲爲女
父母亦宜知儆女或回家教之勤謹毋因此示妄
思悻悻呈告無憑仍難允准本縣署中用有女婢
時與兒孫甘分一味况在眷屬而不善視凜之慎
之毋違特示

藝文補遺

錦江書院學規

侯度

竊以玉壘騰空彩筆飛輝凌碧漢錦江浮練文瀾
疊翠煥詞源山川旣表異於井鬼之鄉人物應特
鍾於蠶叢之野詎乏士氣須就範圍方今

聖天子

大道統承

斯文宗主

表章往哲崇實學

於俎豆宮牆 昭示來茲煥文思於芸編芝簡棧
樸繁而競秀教澤之洋溢已淪浹於膠庠星辰聚
而生輝文運之熾昌更昭回於雲漢用人無一成

營山縣志

卷之三十九

藝文補遺

五

之格造士有不易之規邇者

制臺大人

撫軍大人

列位公祖憲臺

學海淵

沉 詞峰岱峙

訪名流於蜀郡每太息於張敬

夫之云遙

憶遺範於蓉城時悼憾於魏了翁之

不再將鞭策頽敝以鼓吹休明爲國作人公忠樹
百年之計師古垂憲典則崇二物之規精鑒別於
權衡取之數多而棄之數少廣蒐羅於郡縣選之
意慎而望之意專菁莪之氣象維新芹藻之輝光
不煥度荷蓑朗水伏櫪緩山心力就衰殊覺後生

可畏追琢之術每憾老大無成訪道而懷濂洛之
堂夢寐間如誦風輕雲淡讀書而翻竹汙之簡吐
囑時無過蟬噪蛙鳴今者僭擁皋比謬開絳帳念
執經之多士彬彬然羽籥詩書思秉鐸之微軀慄
慄乎準繩規矩夫功有次第而道有本源學術之
得失攸分徑途之取舍宜辨不立條教曷示訓行
往者如考亭首列五教伊川特表四箴周茂叔之
通書二十篇程伯淳之定性百千語張子厚表事
天之義楊龜山論讀書之規陸宣公列正俗明倫

營山縣志

卷之二十九

藝文補遺

六

之端文定公示修身齊家之要羅仲素之尊堯錄
李愿中之論學篇非不井井有條煌煌在御然而
孔門設教德行居先周王作人愷悌爲本蓋聖功
祇期於身體而力行而學術惟在於循名而核實
度亦不敢勦襲陳言敷陳故事第謹按其有益於
身心有用於邦國者開示條目列於楣間願與爾
諸生共勉之

一則根本不可不敦也從來家庭莫如父兄盡倫莫
先孝弟水必有源木豈無本經云資於事父以事

君而愛同資於事兄以事長而敬同古大儒爲忠
臣爲良相做出非常事業而莫不託始於孝弟兩
端爲大根本今世俗之所謂子弟者何常非孩提
知愛稍長知敬之人然往往自少而壯天性易漓
或妻子之念重或貨利之情深博奕好飲而高堂
之奉養何人先長疾行而骨肉之深情漸薄此亦
勢之必然者也夫父在斯爲子兄在斯爲弟此義
原無逃於天地之間周禮以鄉三物教萬民而孝
弟居六行之先者所以昭本務崇大倫也爾諸生

營山縣志

卷之二十九 藝文補遺

七

既居四民之首應培百行之源況自成童讀書以
來誦蓼莪咏斯干性情之所感觸諒必不甘爲不
孝不弟之人但願以真孝子真悌弟之心行真孝
子真悌弟之事如其堅冰可卧斯雙鯉有特躍之
祥如其棣萼不忘斯眉壽有同臻之祉且夫孝弟
原無定軌行孝弟之事亦無定時至性至情隨分
可以自盡詎必教人耕歷山而後可以事父立坐
隅而後可以事兄哉亦顧其人之存心何如耳但
願諸生實心愛父實心愛兄將見和氣充周一舉

一動無非孝弟而日用出入之間其亦必有可觀者也

一則品行不可不端也從來學者必有真氣節而後有真人品氣節者持身之本涉世之要也楊關西卻墓夜之金劉真卿辭日旰之飯自昔端人正士莫不束身廉謹凡辱身賤行寡廉鮮恥之事視若仇敵是之謂真人品如世俗之所謂人品者不過粉飾外觀而已方其置身衆人之前何嘗不講廉恥樹道義然往往檢身不嚴而或夤緣於權貴之

營山縣志

卷之二十九 藝文補遺

八

門或競奔於錙銖之利或呼盧而浮白或比匪而交心制行不矩於端方既不足以樹儒林之雅望宅心不立於正大亦不足以表神志之清明人品之日卑未必非氣節之不立致之也語有云心如日月者明行如準繩者章爾諸生志伊學顏矯矯自好今者聚首一堂正欲借多士金玉之品樹後學典型之觀共勵冰操以砥波逐凡爾肄業諸生亦何敢輕疑爲不肖然恐稍一不慎而譏刺隨之詎不爲名節之羞乎夫南金不以居幽而自輕瑾

瑜不以在樸而不潔學者做秀才時便立定腳根
到做官時未有不硬豎脊梁者爾諸生務須鍵戶
讀書足跡不入公庭交遊不涉匪類言斯可道則
言之必以其正可知矣行思可法則行之必以其
正可知矣勁節可觀清操足範嚴毅端肅之象亦
必有昭然於請業請益之時者當亦司教者所拜
服而心折者也

一則古學不可不博也從來學者讀書莫不厭煩難
而喜速化然而聖門教人博學於文中庸有博學

營山縣志

卷之二十九

藝文補遺

九

審問之說此豈欲人誇多而鬪靡哉秦漢而下言
道者不下數百家而總不能離乎經論世者上自
羲軒巢燧以觀其爲人而總不能離乎史況應世
而制藝者乎制藝者代聖賢而立論者也發一言
而不本於經則不足以體聖賢之意達一議而不
衷於史則不足以達聖賢之心是故善言道者莫
如五經善論人者莫如諸史善用經史以爲文者
莫如漢唐宋諸古文學者讀書咀嚼經史之精華
脫胎古文之神體則言不患其不純理不患其無

據由是發爲文藝必有如

聖諭所謂清真雅正者是謂真文章如俗儒之所謂文章者不過勦說雷同而已方其銳意捷獲之時何嘗不手持書卷筆染丹青然不過惡套時文至於經傳從不一讀或讀矣而不能終其篇終矣而意義未能融貫全牛存目何知游刃之從容三隅鮮通疇識入神之精妙無怪夫以塵飯土羹之語而行乎學庸論孟之文也夫業以揣摩而工學以層累而上支離汗漫非所以窮經也卑陋昏庸非所

營山縣志

卷之二十九

藝文補遺

十

以觀史也學者執筆爲文而欲融鑄經史之精髓以爲我用亦在乎熟之而已矣今使爾諸生果歛其心志將經史義意一一從自己心上着力研究披卻導窾左右逢源不至如昏眼看花是即學人之本領也由是遣運夫經史發爲文章吾見厚響堅光必有流露於墨楮之上者上之可以黼黻我國家文治之祥次之亦可以發揮古聖賢仁義道德之旨而不爲膚泛詞之輯矣詞之憚矣吾將於爾諸生有厚望焉

一則經濟不可不裕也從來學術與事功相爲表裏所貴乎士者學術其體而事業其用也范文正做秀才時便以天下爲任周濂溪甫仕便以洗冤澤民爲心諸葛武侯一蒙顧問天下大計便條畫如指掌凡此皆卓識偉畧豫定於讀書談道之年是以有真作用今世俗之迂儒何嘗不博覽書史涉獵典故然往往擅博洽淹雅之譽而未必有酌古準今之才呂東萊謂士人讀書便當思其致用勿作腐儒爾諸生文采風流卓有可觀將來制藝亦

營山縣志

卷之二十九

藝文補遺

十一

應不落凡近然紙上空談與臨時實用將必有大不同者國家選士以八股文章定去取者豈誠欲爾諸生工文詞以弋取科名已哉必將有以用爾諸生者在也儒者坐而言便思起而行倘此時徒炫文章而識見不真器宇不宏胆氣不定一旦受人家國事變交加將遠追乎虞夏商周之書而不可拘矣還念乎雞窗螢火之力而不可恃矣參酌乎時勢難易之變而不可通矣然後知持畫餅者不可以充庖厨工蜃樓者不可以蔽風雨烏觀所

謂坐而言起而行之之道乎所望爾諸生伏案時
揆度古今因時起義恍如身在局中胸中經傳斷
據鑿鑿即使進虎觀而質異同亦莫不各有本原
確有定見則亦庶幾不爲空疏者歟

一則性學不可不講也從來言教者必根諸道言道
者必根諸性性者大道之本聖教之原也今學者
著書立說何嘗不欲窺性命之奧旨然或繁稱遠
引影響支離於吾心所受之理未能言之親切而
有味又其爲說也華而鮮實其存諸心者未必真

營山縣志

卷之二十九

藝文補遺

十一

能中正而不偏其發諸意者未必真能戒欺以求
謙其見諸事爲者未必真能精察而力行之國家
日以正學望天下士亦安敢取此虛僞無實者以
上紹茫茫之墜緒乎夫開萬古之學術者孔孟也
遵孔孟之教以發明正學者周程朱張之書也昔
周茂叔到溪溪便慨然欲歌咏先生之道程明道
見周元公便煥然於理學性命之旨程伊川自謂
所學者天下大中之道朱晦翁初上封事便以正
心誠意爲拜獻之先資而天下後世孔孟之學賴

以遵循而不墮者蓋其爲學也純而不雜其立心也實而無僞其所談者格致誠正之功克已復禮之事而實修己治人之大要也吾蜀自文翁設教以來人知崇正道息邪說繼以張栻了翁諸賢力求絕學上追聖教其餘澤猶應有未盡泯者今

皇上昭明正學宋儒著作業經表章性理精微業經闡發爾諸生欲參性命之旨須深體究之功把宋儒性理諸書潛心玩味以求其旨趣由是以真知灼見之理行體信達順之功事不在大迹不在彰但

營山縣志

卷之二十九

藝文補遺

十三

卽一動念一立心間而揆以勿視勿聽勿言勿動之戒必在在有當身體而力行者庶幾正士多而正學著當必有一二人焉上可以探孔孟之心源而下可以追濂洛關閩不絕之墜緒理學昌明豈不美哉

爾諸生躬際盛時心期古處秉耒莘野甯無堯舜其君之心對策天廷豈忘伊周自命之想其或志在德行而實踐嚴於當躬其或志在言詞而立談可以動衆其或政事自負而欲抱兵農禮樂之才

其或文學夙嫻而願膺臺閣絲綸之選稽古有獲
才猷之美無倖邀處士虛聲空疏之咎將誰屬何
當秋曉不瞻卷軸之空橫幾度春深曾見韋編之
將絕飛素雪於書案誰人掩映掠寒光鑿赤火於
鄰家那個依稀分夜月夫士各有志學患無成由
抔土而成泰山大本嶺亦自有繼長增高之勢釋
褐衣而遊上苑真學問豈遂無軼羣邁眾之奇遠
溯前朝楊新都實大魁海內近稽昭代李遂甯亦
鼎峙寰中讀書而登子雲之臺母徒羨乎奇筆之

營山縣志

卷之三十九

藝文補遺

十四

數字訪道而翻南軒之錄宜實究乎希顏之一篇
克念作聖罔念作狂所爭原不在眾人耳目之地
實勝則善名勝則恥得力正不外一己心力之間
爾多士尚其懋哉勉旃毋怠